



Deddf Seilwaith (Cymru) 2024

2024 dsc 3

RHAN 6

GORCHMYNION CYDSYNIAD SEILWAITH

Darpariaeth mewn gorchmynion: cyfyngiadau a phwerau penodol

83 Cydsyniad tybiedig o dan drwydded forol

- (1) Caiff gorchmyn cydsyniad seilwaith gynnwys darpariaeth sy'n tybio y dyroddwyd trwydded forol o dan Ran 4 o [Ddeddf y Môr a Mynediad i'r Arfordir 2009](#) (p. 23) ar gyfer unrhyw weithgaredd lle Gweinidogion Cymru yw'r awdurdod trwyddedu priodol ar ei gyfer.
- (2) Mae is-adrannau (3) a (4) yn gymwys os yw gorchmyn cydsyniad seilwaith yn cynnwys darpariaeth—
 - (a) sy'n tybio bod trwydded forol wedi ei rhoi o dan Ran 4 o [Ddeddf y Môr a Mynediad i'r Arfordir 2009](#) yn ddarostyngedig i amodau a bennir yn y gorchmyn, a
 - (b) sy'n tybio bod Gweinidogion Cymru wedi rhoi'r amodau hynny ynghlwm wrth y drwydded o dan y Rhan honno.
- (3) Nid yw person sy'n methu â chydymffurfio ag amod o'r math a grybwyllir yn is-adran (2) yn cyflawni trosedd o dan adran 104 o'r [Ddeddf hon](#).
- (4) Nid yw adrannau 68 (hysbysu ynghylch ceisiadau) na 69(3) a (5) (sylwadau) o [Ddeddf y Môr a Mynediad i'r Arfordir 2009](#) yn gymwys mewn perthynas â'r drwydded forol dybiedig.
- (5) Nid yw unrhyw ddarpariaeth yn y [Ddeddf hon](#) neu a wneir odani neu yn ei rhinwedd yn rhwystro trwydded forol dybiedig rhag cael ei hamrywio, ei hatal dros dro, ei dirymu neu ei throsglwyddo yn unol ag adran 72 o [Ddeddf y Môr a Mynediad i'r Arfordir 2009](#).

Statws This is the original version (as it was originally enacted). Dim ond ar
ei ffurf wreiddiol y mae'r eitem hon o ddeddfwriaeth ar gael ar hyn o bryd.

- (6) Yn yr adran hon, mae i “yr awdurdod trwyddedu priodol” yr ystyr a roddir i “the appropriate licensing authority” gan adran 113 o Ddeddf y Môr a Mynediad i'r Arfordir 2009.